

МАЪМУРИЙ ИШЛАРНИ БИРИНЧИ ИНСТАНЦИЯ СУДЛАРИДА КЎРИШНИНГ НАЗАРИЙ-ХУҚУҚИЙ ЖИҲАТЛАРИ ВА ИШ ЮРИТИШНИ ТЎХТАТИБ ТУРИШ АСОСЛАРИ

Шерматов Акмалжон Пўлатжон ўғли

Андижон туманлараро маъмурий суди раиси

Аннотация

Ушбу мақолада Маъмурий низозларнинг маъмурий судлрада кўриб чиқиш тартиби ҳақида, хусусан туманлараро маъмурий судлар саналган биринчи инстанция судларида ишларни кўриб чиқишининг ўзига хус жиҳатлари 5 та категорияга бўлинган ҳолда таҳлил қилинган. Қонунчиликда амалга оширилган бир қатор ўзгаришлар, жумладан ЎРҚ 826-сон, ЎРҚ 833-сон қонунларда назарда тутилган ўзгаришлар баён этилган, таҳлил қилинган. Ундан ташқари, маъмурий судларда ишни юритишда иш юритишни тўхтатиб туриси асослари таҳлил қилинган. Сататистик маълумотлар ёрдамида мавзу чуқор ўрганилган. Хуносаланган.

Калит сўзлар

Тааллуқлилик, экстерриториал тартиб, иш юритишни тўхтатиб туриси.

Олимларнинг қарашларига кўра, маъмурий юститсиянинг икки шакли мавжуд саналади. Улар куйидагилар:

1. Маъмурий тартиб;
2. Суд тартиби.

2017-йил 1-июндан Ўзбекистон тарихида биринчи маротаба фуқаролик, жиноят ва иқтисодий судлардан алоҳида бўлган ма'мурий судларнинг жорий этилиши, шунингдек, Ўзбекистон тарихида биринчи маротаба иккита янги қонун, яъни 2018-йил 8-январда Ўзбекистон Республикасининг “Ma'murий тартиб-таомиллар тўғрисида”ти Қонунининг, 2018-йил 25-январда эса Ma'murий суд ишларини юритиш тўғрисидаги кодекснинг (МСИЮтК) қабул қилиниши билан Ўзбекистонда ма'мурий ҳуқуқ ривожининг мутлақ янги, муҳим босқичи, даври бошлаб берган бўлса, 2023-йил 26-апрелда 833-сонли қонуннинг қабул қилиниши натижасида Маъмурий суд ишларини юритиш тўғрисидаги кодексга юқорида саналган ўзгаришларнинг киритилиши Ўзбекистонда Маъмурий судлар фаолиятини яна бир поғонага кўтарди дейишимиз мумкин.

Статистик маълумотарга қараганда жорий йилнинг 3-июн ҳолатига кўра Маъмурий судлар томонидан кўриб чиқилган ишларнинг жами сони 87 705 тани ташкил этади. Биринчи инстантсияда 70 187 та, Апеллясия инстантсиясида 12 953 та, Кассасия инстантсияси 3 905 та, Такрорий кассасияда эса 660 та иш кўрилган. Бу шуни кўрсатадики, маъмурий ҳуқуқий низолар йилдан йилга сон жиҳатдан ошиб бормоқда. Шунингдек статистик маълумотлар ҳам шуни кўрсатмоқдаки, маъмурий судларда низоларни кўриш динамикаси ошиб бормоқда.



SEMANTIC SCHOLAR



IMPACT FACTOR (RESEARCH BIB) – 7,245

VOLUME 7, ISSUE 2, 2024

Маъмурий судлар томонидан оммавий низоларнинг кўриб чиққилиши динамикаси

№	Худудлар	2019 й.			2020 й.			2021 й.			2022 й.			2023 й. 3 ойи		
		Жами кўрилган оммавий низолар	шундан		Жами кўрилган оммавий низолар	шундан		Жами кўрилган оммавий низолар	шундан		Жами кўрилган оммавий низолар	шундан		Жами кўрилган оммавий низолар	шундан	
			жаноат- ланти- рилган	%												
1	Андижон вилояти	608	306	50%	456	223	49%	672	307	46%	671	265	39%	183	86	47%
2	Бухоро вилояти	586	370	63%	545	329	60%	828	427	52%	876	467	53%	211	112	53%
3	Жиззах вилояти	437	236	54%	555	376	68%	512	259	51%	590	305	52%	152	79	52%
4	Қашқадарё вилояти	1 952	1 569	80%	1 297	956	74%	1 393	803	58%	1 271	637	50%	313	174	56%
5	Қорақалпогистон Р.	901	634	70%	731	529	72%	779	428	55%	756	438	58%	179	117	65%
6	Навоий вилояти	671	589	88%	671	579	86%	931	788	85%	1 050	828	79%	236	192	81%
7	Наманган вилояти	1 319	1 056	80%	1 141	832	73%	1 027	615	60%	988	497	50%	247	104	42%
8	Самарқанд вилояти	1 295	679	52%	1 075	507	47%	1 148	360	31%	1 209	508	42%	261	112	43%
9	Сирдарё вилояти	210	76	36%	206	74	36%	334	135	40%	570	296	52%	112	40	36%
10	Сурхондарё вилояти	1 567	1 280	82%	935	594	64%	762	336	44%	593	171	29%	123	56	46%
11	Тошкент вилояти	1 440	864	60%	1 220	700	57%	1 619	866	53%	2 020	884	44%	410	161	39%
12	Тошкент шаҳар	1 824	1 019	56%	1 594	988	62%	2 249	1 273	57%	2 705	1 437	53%	733	401	55%
13	Фарғона вилояти	1 571	982	63%	1 555	1 005	65%	1 256	552	44%	951	344	36%	232	67	29%
14	Хоразм вилояти	1 874	1 482	79%	3 085	2 438	79%	1 633	727	45%	1 094	381	35%	287	106	37%
	ЖАМИ	16 255	11 142	69%	15 066	10 130	67%	15 143	7 876	52%	15 344	7 458	49%	3 679	1 807	49%

Кўриниб турибдик, 2023-йилнинг 3 ойи давомида 3 679 та иш кўрилганлигини алоҳида таъкидлаш мумкин.

Олий Суд томонидан тушунтириш берилишича, Ўзбекистон Республикаси Президентининг “Суд-хуқуқ тизимини янада такомиллаштириш ва суд ҳокимияти органларига ишончни ошириш чора-тадбирлари тўғрисида” 2018-йил 13-июлдаги ПФ-5482-сонли Фармони, Ўзбекистон Республикаси Олий суди Раёсатининг “Суд амалиёти обзорларини тайёрлаш ва эълон қилиш тўғрисида” 2018-йил 27-июлдаги РС-44-18-сонли қарорининг 2-банди ижросини таъминлаш мақсадида, Олий суднинг ма'mурий ишлар бўйича судлов ҳай'ати томонидан 2022-йилнинг учинчи чорагида кассасия тартибида кўрилган ишлар бўйича суд амалиёти обзори тайёрланган бўлиб, унда куйидаги маълумотлар ўрин олган:

- 2022-йил учинчи чорагида Олий суднинг маъмурий ишлар бўйича судлов ҳай'атида кассасия шикоятлари (протестлари) асосида 377 та иш кўрилган бўлиб, шундан
- 312 таси бўйича суд ҳужжатлари ўзгаришсиз қолдирилган, 2 таси бўйича суд ҳужжатлари ўзгартирилган, 59 таси бўйича суд ҳужжатлари бекор қилинган, 4 таси бўйича иш юритиш тутатилган.
- Шунингдек, ишни кассасия тартибида тақроран кўриш тўғрисидаги протестлар асосида 12 та иш кўриб чиқилган.
- Таҳлил натижаларига кўра, биринчи ва апеллясия инстансияси судлари томонидан аксарият ҳолларда ишлар тўғри ҳал этилган бўлса-да, моддий ва просессуал хуқуқ нормалари бузилишига йўл қўйганлик ҳолатлари ҳам мавжуд.

Демак кўриниб, турибдик, биринчи инстанция судларида иш юритиш ҳар жиҳатдан муҳим аҳамият касб этади. Эндиликда айнан маъмурий-хуқуқий низоларни айнан биринчи

инстанция судларида кўриб чиқишнинг энг муҳим жиҳатларини таҳлил қиласиз. Аввало, Маъмурий судларда ишларни биринчи инстанция сифатида кўриш тартиб-таомиллари, протессуал тартиблари белгилаб қўйилган ҳуқуқий асосларни келтириб ўтадиган бўлсак, булар қуидагилар:

- Ўзбекистон Республикасининг Маъмурий суд ишларини юритиш тўғрисидаги кодекси;
- Ўзбекистон Республикасининг 2023-йилнинг 26-апрел санасида қабул қилинган “Давлат органлари билан муносабатларда фуқаролар ва тадбиркорлик субектлари ҳуқуқларининг самарали ҳимоя қилинишини таъминлаш бўйича қўшимча чоралар кўрилиши муносабати билан Ўзбекистон Республикасининг айрим қонун хужжатларига ўзгартиш ва қўшимчалар киритиш тўғрисида”ги 833-сон Қонуни;
- Ўзбекистон Республикаси Олий Суди Пленумининг “Маъмурий органлар ва улар мансабдор шахсларининг қарорлари, ҳаракатлари (ҳаракатсизлиги) устидан шикоят қилиш тўғрисидаги ишларни кўриб чиқиш бўйича суд амалиёти ҳақида”ги қарори;
- Ўзбекистон Республикасининг “Давлат божи тўғрисида”ги Қонуни;
- Ўзбекистон Республикаси Олий Суди Пленумининг “Маъмурий ишлар бўйича суд ҳаражатларини ундириш амалиёти ҳақида”ди Қарори
- Ўзбекистон Республикаси Олий Суди Пленумининг “Маъмурий ишларни кўришда биринчи инстанция суди томонидан протессуал қонун нормаларини қўллашнинг айрим масалалари тўғрисида”ги қарори ва бошқа қонун хужжатлари.

Маъмурий ишларни биринчи инстанция судларида кўришнинг назарий-ҳуқуқий жиҳатлари. Ўзбекистонда ма’мурий судларда биринчи инстанция тарзда иш қўзғатиш учун асослар биринчи навбатда Ўзбекистонда Республикасининг “Маъмурий суд ишларини юритиш тўғрисида”ги Кодекснинг 127-моддасида кўрсатилган бўлиб, иш қўзғатиш асослари кўрсатиб ўтилган бўлиб, маъмурий судларда иш қўзғатиш учун ариза асос бўлади. Бу ариза эса маъмурий судларга 3 хил тоифадаги шахслар томонидан тақдим этилиши мумкин. Булар: манфаатдор шахслар, прокурор ва давлат органлари ҳамда бошқа ваколатли субектлар. Шуни алоҳида таъкидлаш жоизки, бошқа ваколатли субектлар дейилганда давлат органлари сирасига кирмайдиган ҳамда прокуратура органлари сирасига ҳам кирмайдиган, бироқ маъмурий ҳуқуқий фаолият билан шуғилланувчи органларни келтиришимиз мумкин. Хоссатан, Ўзбекистон Республикасининг “Давлат божи тўғрисида”ги Қонунининг 10-моддаси 1-кисм, 2-бандига кўра: Ўзбекистон Республикаси Савдо-саноат палатаси ва унинг худудий бошқармалари — давлат бошқаруви органларининг, маъмурий-ҳуқуқий фаолиятни амалга оширишга ваколатли бўлган бошқа органларнинг, фуқаролар ўзини ўзи бошқариш органларининг, улар мансабдор шахсларининг қарорлари, ҳаракатлари (ҳаракатсизлиги) устидан палата аъзоларининг манфаатларини кўзлаб берилган аризалар бўйича маъмурий судларга мурожаат қилганларида давлат божини тўлашдан озод этилганлар. Демак, бундан чиқди, мазкур органлар маъмурий судга мурожаат қилишлари мумкин бўлар экан.

Маъмурий судга таалтуқли иш(низо) бўлиши керак. Бу қандай изоҳланади ёки аниқланади? МСИЮТК нинг 26 ҳамда 27-моддаларида қандай низолар маъмурий судлар томонидан кўриб чиқилиши ҳақида нормалар акс этган. Хусусан, 26-моддада, маъмурий судга фуқаролар ва юридик шахсларнинг бузилган ёки низолашилаётган ҳуқуқлари, эркинликлари ва қонуний

манфаатларини ҳимоя қилиш тўғрисидаги, маъмурий ва бошқа оммавий ҳуқукий муносабатлардан келиб чиқадиган ишлар тааллуқли эканлиги, шунингдек, қонун билан маъмурий судга тааллуқли ишлар жумласига бошқа ишлар ҳам киритилиши мумкинлиги белгиланган. Шу булан бирга, агар Ўзбекистон Республикасининг халқаро шартномасида бошқача қоида назарда тутилмаган бўлса, маъмурий суд ўзига тааллуқли ишларни фуқаролар, юридик шахслар ва маъмурий органлар, шунингдек ўз фаолиятини Ўзбекистон Республикаси худудида амалга ошираётган чет эл юридик шахслари, халқаро ташкилотлар, чет эл фуқаролари, фуқаролиги бўлмаган шахслар иштирокида кўради. МСИЮтК нинг 27-моддасида ифодаланган 8 тоифадаги низоларга алоқадор бўлган ишлар маъмурий судлар томонидан тааллуқли ишлар деб қабул қилинади. Улар қўйидагилар: идоравий норматив-хуқукий хужжатлар юзасидан низолашиб тўғрисидаги; маҳаллий давлат ҳокимияти органларининг, давлат бошқаруви органларининг, маъмурий-хуқукий фаолиятни амалга оширишга ваколатли бўлган бошқа органларнинг (бундан буён матнда маъмурий органлар деб юритилади), фуқаролар ўзини ўзи бошқариш органларининг ва улар мансабдор шахсларининг қонунчиликка мос келмайдиган ҳамда фуқаролар ёки юридик шахсларнинг хуқуқларини ва қонун билан қўриқланадиган манфаатларини бузадиган қарорлари, ҳаракатлари (ҳаракатсизлиги) юзасидан низолашиб тўғрисидаги; сайлов комиссияларининг хатти-ҳаракатлари (қарорлари) юзасидан низолашиб тўғрисидаги; нотариал ҳаракатни амалга ошириш, фуқаролик ҳолати далолатномаларини ёзишни рўйхатга олиш рад этилганлиги ёки нотариуснинг ёхуд фуқаролик ҳолати далолатномаларини ёзиш органи мансабдор шахсининг ҳаракатлари (ҳаракатсизлиги) юзасидан низолашиб тўғрисидаги; давлат рўйхатидан ўтказишни рад этиш ёхуд белгиланган муддатда давлат рўйхатидан ўтказишдан бўйин товлаш устидан шикоят қилиш тўғрисидаги; инвестиция низолари бўйича; ракобат тўғрисидаги ҳамда маъмурий ва бошқа оммавий ҳуқукий муносабатлардан келиб чиқадиган талаблар бўйича ундириш сўзсиз тартибда амалга ошириладиган ижро ҳужжати ёки бошқа ҳужжат устидан шикоят қилиш тўғрисидаги ишларни ҳисоланади. Шуни айтиш керакки, агар маъмурий судга тақдим этилган ариза маъмурий судга тааллуқли бўлмаган низо бўладиган бўлса, судя ариза келиб тушгандан бошлаб 5 кунлик муддат ичida буни аникласа, МСИЮтК нинг 133-моддасига кўра аризани иш юритишга қабул қилишни рад этиши ҳақида ажрим чиқаради. Агар ариза иш юритишга қабул қилинганидан кейин тааллуқли эмаслиги аникланса (бунда бир нарсани инобата олиш керакки, эндиликда, жумладан 2023-йилнинг 26-апреилда қабул қилинган 833-сон ЎРҚ га кўра эндиликда маъмурий судга қабул қилинган низо фақатгина маъмурий судга тааллуқли бўлмаса, иш юритиш тутатилмайди. МСИЮтК нинг 108-мооддаси биринчи қисм биринчи банди билан иш юритишни тутатиш учун маъмурий судга қабул қилиб олинган иш учала судга ҳам тааллуқли бўлмаслиги керак. Бунда учта суд сирасига маъмурий судлар, фуқаролик судлари ҳамда иқтисодий судлар киритилади), МСИЮтК нинг 108-моддасига кўра иш юритишни тутатиш ҳақида ажрим чиқариши керак саналади.

Судга тақдим этилган ариза МСИЮтК нинг 128-моддасида назарда тутилган талабларга жавоб бериши керак. Яъни, Ариза (шикоят) судга ёзма шаклда берилиши ва аризачи ёки унинг вакили томонидан имзоланиши шарт. Аризада эса қўйидагилар қўрсатилиши керак: ариза (шикоят) берилаётган суднинг номи; ишда иштирок этувчи шахсларнинг номи (фамилияси, исми ва отасининг исми), жойлашган эри (почта манзили) ёки яшаш жойи; арз қилинган талабларга асос бўлган ҳолатлар (агар улар мавжуд бўлса); арз қилинган

талабларнинг асосларини тасдиқловчи далиллар; аризачининг қонунчиликка асослаб келтирган талаблари, талаб бир нечта жавобгарга нисбатан тақдим этилганда эса уларнинг ҳар бирига нисбатан талаблар; илова қилинаётган хужжатларнинг рўйхати. Шунингдек, шахслар томонидан тақдим этилаётган аризада (шикоятда) аризачининг ёки унинг вакилининг телефонлари, факслари рақамлари, электрон манзили кўрсатилиши мумкин. Бу улар билан эсонроқ алоқа боғлаш имконини беради. Аризада (шикоятда), агар низони тўғри ҳал қилиш учун зарур бўлса, бошқа маълумотлар, шунингдек аризачидаги мавжуд бўлган илтимосномалар кўрсатилади. Аризачи ўзаро боғлиқ бўлган бир нечта талаблини, агар улар маъмурий судга таалуқли бўлса, битта аризага (шикоятга) бирлаштиришга ҳақли. Шуни алоҳида таъкидлаш зарурки, ариза тақдим этилётганда, унга муайян иловалар ҳам берилиши керак. Бу эса МСИЮтК нинг 130-моддасида берилган. Унга кўра, белгиланган тартибда ва миқдорда давлат божи тўланганлигини; белгиланган тартибда ва миқдорда почта харажатлари тўланганлигини; аризанинг (шикоятнинг) ва унга илова қилинган хужжатларнинг кўчирма нусхалари жавобгарга ҳамда учинчи шахсларга юборилганлигини; арз қилинган талабларга асос бўлган ҳолатларни ва аризани (шикоятни) имзолаш ваколатини тасдиқловчи хужжатларни илова қилган ҳолда топшириш керак. Акс ҳолда азирани қайтатиш учун асос бўлади. Таъкидлаш жоизки, давлат божининг миқдори ҳамда иш тоифаларига кўра ажратилиши “Давлат божи тўғрисида”ги қонунда белгилаб қўйилган. Шу ўринда, маъмурий судларга тақдим этиладиган шикоят аризасидан бир амалий мисол келтиришни мақсадга мувофиқ деб топдик.

Ишни кўрувчи судлар ҳамда судялар таркиби. МСИЮтК нинг 28-моддасига кўра, қоида тариқасида, маъмурий судларга таалуқли ишлар биринчи инстанция судлари сифатида Туманлараро маъмурий судларда кўриб чиқилади. Шунингдек, Инвестиция низолари бўйича йирик инвесторнинг, рақобат тўғрисидаги ишлар бўйича томонларнинг хоҳишига кўра ушбу тоифадаги ишлар бевосита Ўзбекистон Республикаси Олий суди томонидан, қолган инвестициявий низолар инвесторнинг хоҳишига кўра, Қорақалпоғистон Республикаси маъмурий суди, вилоятлар ва Тошкент шаҳар маъмурий судлари томонидан биринчи инстанция суди сифатида кўриб чиқилади. Алоҳида белгилаш жоизки, МСИЮтК нинг 30-моддасига кўра “Идоравий-норматив-хуқуқий хужжатлар юзасидан низолашиб тўғрисида”ги ишлар ҳамда “Марказий сайлов комиссиясининг карорлари устидан низолашиб тўғрисида”ги ишлар биринчи инстанция суди сифатида тўғридан тўғри Олий Судда кўриб чиқилади. Судда ишлар якка ва ҳайъат таркибида кўрилиши белгиланган. Бу эса МСИЮтК нинг 17-18 моддаларида ўз аксини топган. Шуни алоҳида таъкидлаш жоизки, МСИЮтК нинг 18-моддасига кўра, судга келиб тушган иш таалуқлилик босқичидан ўтиб, ишни кўриш учун тайинланаётган пайтда муайян ишни кўриш учун суд таркиби судяларнинг иш ҳажми ва ихтисослашуви ҳисобга олинган ҳолда, суд таркибини шакллантиришга суд муҳокамаси натижасидан манфаатдор бўлган шахсларнинг таъсир кўрсатиши истисно этиладиган тартибда, автоматлаштирилган ахборот тизимидан фойдаланган ҳолда шакллантирилади. Бунда, ишни кўришга тайинланаётган, суд таркиби шакллантирилаётган вақтда мазкур ишни ҳар томонлама ҳолислик асосида, қонун хужжатларини тўғри кўллаган ҳолда ҳал этадиган шу ихтисослик бўйича муайян тажрибага эга бўлган судяга (судялар таркибига) иш топширилади. Яна эътиборг молик жиҳати шундан иборатки, ишни кўриш бир судя ёки суд таркиби томонидан бошландими, шу иш айнана



ResearchGate



SEMANTIC SCHOLAR



IMPACT FACTOR (RESEARCH BIB) – 7,245



TOGETHER WE REACH THE GOAL

VOLUME 7, ISSUE 2, 2024

айнан шу судя ёки суд таркиби томонидан кўриб чиқилиши хар жиҳатдан мақсадга муводикдир. Чунки, иш материаллари, ишнинг ҳақиқий ҳолати, тарафларнинг кўрсатмалари билан у ҳаммадан кўра яхшироқ таниш бўлади. Бироқ бу коида судя ёки судялардан бири Маъмурий суд ишларини юритиш тўғрисидаги кодекснинг 21-25 моддаларида белгиланган тартибда ўзини ўзи рад қилган ёки судяни рад қилиш ҳақида ариза берилган ва бу қаноатлантирилган тақдирда ёхуд судя йўқлиги сабабли ишни кўриш имкони бўлмаган тақдирда алмаштирилиши мумкинлигини истисно этмайди. Бундай ҳолларда гарчи ишни кўриш бошқа судя ёки судялар ҳаъати томонидан бошланган бўлишига қарамасдан ишни кўриш бошқа судя ёки судялар таркиби томонидан қабул килиб олиниб, мазмунан кўриш якунига етказилади. Судя ёки судялар ҳайъати таркиби ўзгарганидан кейин, яъни судя алмаштирилганидан сўнг ишни кўриш бошидан бошланади.

Ишни кўришда иштирок этувчи(раислик қилувчи) судяларнинг якка ҳамда ҳайъатда ишларни кўриб чиқишилари белгиланганлидан келиб чиқиб шуни айтиш жоиз бўладики, коида тариқасида ишлар биринчи иснтансия сифатида туманлараро маъмурий судларда, ўрта бўғин судларида кўрилаётганда бир рафар, Олий Судда кўрилаётганида эса ҳайъат таркибида З нафар судядан иборат таркибда ишни кўриши белгиланган. Буни озгина юқорироқда норма мазмунини таҳлил қилганда ҳам кўриб чиқдик. Яна бир жиҳатни ёддан чиқармаслик керак, судяни ёки ҳайъат таркибини алмаштириш билан боғлиқ барча ҳатти-харакатлар ажрим чиқарган ҳолда амалга оширилади.

Муддатлар билан боғлиқ хусусиятлар. Судга мурожаат қилиш муддатлари 3 та турга ажратилади:

- 6 ойлик муддат(МСИЙтК нинг 23-бобига кўра маъмурий орган томонидан қабул қилинган хужжатлар ёки улар мансабдор шахсалрнинг ҳатти-харакати юзасидан низолашиб тўғрисидаги ишларда);
- 10 кунлик муддат(давлат ижроқисининг қарорлари билан боғлиқ низоларда, қарорни ҳақиқий эмас деб топиш тўғрисидаги аризалар учун;
- Дархол(сайловга оид низолар учун мурожаат қилишда)

Шунингдек, ишни маъмурий судларда кўриб чиқиш учун ажратилган муддатларни ҳам алоҳида эътиборга олиш зарур. Коида тариқасида маъмурий судларда низолар бир ойлик муддатда, агар алоҳида ўрганиш талаб этиладиган бўлса, яна шунча муддатга узайтирилган ҳолда кўриб чиқилиши керак. Ишни мазмунан кўриб чиқиш натижалари бўйича МСИЮтК нинг 7-моддасида ҳамда 154-158 моддалаларида назарда тутилган асослар ва тартибда ҳал қилув қарори қабул қилинади. Шунингдек, ишни мазмунан кўриб, ҳал этмайдиган масалалар юзасидан суд ажрими қабул қилинади. Шуниси аҳамиятлики, Маъмурий суд ишларини юртиш тўғрисидаги кодекснинг 155-моддасида белгиланишича, ҳал қилув қарорини қабул қилиш жараёни ишнинг якуни бўйича сўнгги нуқтани қўювчи асос сананалади. Шунинг учун ҳам суднинг ҳал қилув қарори алоҳида хонада (маслаҳатхонада) қабул қилинади. Мазкур нуқтанинг аҳамияти шундаки, судялар мустақил ҳолда ҳал қилув қарорини қабул қиласар эканлар, сўнгги онда ички ишончдан фойдаланган ҳолда ишга якуний нуқтани қўядилар. Агар



VOLUME 7, ISSUE 2, 2024

иши хайъатда кўриладиган бўлса, бундай ишлар қоида тариқасида, Олий Судда ишлар биринчи бора кўриб чиқилаётган бўлса, шунингдек, апеллатсия ва кассатсия инстанцияда кўриб чиқилётган бўлса, ҳал қилув қарори судялар маслаҳати сирини сақлаш таъминланадиган шароитларда, суд мажлисида иштирок этаётган судялар томонидан кўпчилик овоз билан қабул қилинади. Кодексда ёзилишича, суд ҳал қилув қарорини қабул қилаётган маслаҳатхонада фақат ишни кўриб чиқаётган суд таркибиға кирадиган судялар бўлиши мумкин, ишда иштирок этмаган, ишни кўришда катнашмаган судянинг ҳал қилув қарорини қабул қилиш жараёнида ҳозир бўлиши мумкин эмаслиги қатъиян белгиланган. Ундан ташқари, судя(судялар)томонидан ҳал қилув қарори қабул қилинаётган пайтда ҳал қилув қарорини қабул қилиш хонасига бошқа шахсларнинг кириши, шунингдек суд таркибиға кирмайдиган шахслар билан мулокотда бўлишнинг бошқа усувлари тақиқланади. Бу суднинг фаолиятинига, судяларнинг мустақиллига дахл қилувчи хатти-ҳаракат деб баҳоланади ҳамда жавобгарликка сабаб бўлади. Судялар ҳал қилув қарорини қабул қилиш чоғидаги муҳокама мазмuni тўғрисидаги, суд таркибиға кирган айрим судяларнинг нуқтаи назари ҳақидаги маълумотларни бирор-бир шахсга хабар қилишга, судялар маслаҳати сирини бошқа усуlda ошкор қилишга ҳақли эмас.

Ҳал қилув қарор устидан шикоят қилиш ҳамда уни ижрога қаратиш. Шуниси эътиборга моликки, ҳал қилув қарори устидан шикоят қилувчилар тоифаси 2 турга бўлинади. Була манфаатдор шахслар: тарафлар, учунчи шахслар, гувоҳлар, одил судловни амалга оширишга кўмаклашувчи шахслар ва бошқалар биринчи томондан бўлса, иккинчи томондан Ўзбекистон Республикаси Бош Прокуратуроси тизимиға кирувчи Прокурарура органларининг прокурорлари ва уларнинг ўринбосарлари ҳисобланади. МСИЙТК нинг 165-моддадида айнан белгиланишича, ҳал қилув қарори, агар унинг устидан апеллатсия тартибида шикоят қилинмаган (протест келтирилмаган) бўлса, у қабул қилинган кундан эътиборан бир ой ўтгач, қонуний кучга киради, яъни суднинг қайсиидир манфаатдор шахси апеллатсия шикояти билан судга мурожаат қилган бўлса, бу ҳал қилув қарорини кучга киришини истисно этувчи ҳолар саналади. Юкорида айтилганидек ҳал қилув қарори устидан икки хил тоидадаги сунектлар шикоят қилишлари мумкин. Манфаатдор шахслар апеллатсия шикояти билан, прокурорлар эса апеллатсия протести билан мурожаат қилишлади мумкин бўлади. Апеллатсия шикояти (протести) берилган тақдирда ҳал қилув қарори, агар у бекор қилинмаган бўлса, апеллатсия инстанцияси судининг қарори қабул қилинган кундан эътиборан қонуний кучга киради.

Иш юритишни тўхтатиб туриш асослари.

Маъмурий судларда ариза иш юритувга қабул қилинганидан бошлаб, маъмурий суд иш юритиш процесси бошланиб, иккала томон: суд ва иштирокчиларда ҳам муайян ҳуқуқ ва мажбуриятларни юзага келтиради. Мазкур ҳуқуқ ва мажбуриятлар, ҳолатларнинг энг муҳимларидан бири бу, иш юритишни тўхтатиб туриш саналади. Маъмурий судларнинг асосий мақсадларидан келиб чиқиб, келгусида таҳлил қилинадиган жихат ушбу мақсад ва вазифаларни таъминлаб берадиган асосий институтлардан бири саналади.

Қайд этилганидек, маъмурий судга қабул қилинган аризалар бўйича иш юритиш бошланиб, юзага келган сабаблар туфайли суд иш юритувини давом эттиришнинг имкони бўлмаслиги оқибатида суд иш юритишни тўхтатиб туришга тўғри келади. Шунингдек, шундай ҳолатлар

юзага келадики, биринчи ҳолатда судда шу ишнинг қонуний ҳал этилиши учун керакли бўлган ҳамда ҳал этишга тўсқинлик қиласидан асослар мавжуд бўлади, бундай вазиятда суд иш юритишни тўхтатишига мажбур бўлади; иккинчи ҳолатда эса юзага келган ҳолатнинг мазмунидан шу ҳолатни бартараф этмасдан ҳам иш юритишни қонуний ва адолатли ҳал этишнинг имконияти сақланиб қолган бўлади. Суд эса бундай ҳолларда иш юритишни тўхтатиб туришга ҳақли бўлади.

Юқоридаги мулоҳазадан маъмурий судлар томонидан иш юритишни тўхтатиб туриш икки турдаги ҳолатларда амалга оширилиши ҳақидаги холосани келиш мумкин бўлади:

1. Иш юритишни тўхтатиб туриш шарти;
2. Иш юритишни тўхтатиб туриш хуқуқи.

Аввало, иш юритиш тўхтатиб турилиши шарт бўлган асослар ҳақида сўз кетса, бу ҳолатлар МСИЙтК нинг 99-моддасида санаб ўтилганлигини қайд этиш зарур. Улар қуйидагилар:

- мазкур ишни Ўзбекистон Республикаси Конституциявий суди, фуқаролик ишлари бўйича суд, жиноят ишлари бўйича суд, маъмурий суд ёки иқтисодий суд томонидан кўрилаётган бошқа иш ёки масала юзасидан, шунингдек тергов ҳаракатлари олиб борилаётган иш ёки масала юзасидан қарор қабул қилингунига қадар кўриш мумкин бўлмаганда;
- ишда иштирок этувчи шахс бўлган фуқаро вафот этганда, агар низоли хуқуқий муносабатлар хуқуқий ворисликка йўл қўйса;
- ишда иштирок этувчи шахс бўлган фуқаро муомала лаёқатини йўқотганда иш юритиш тўхтатиб турилиши зарур.

МСИЙтК нинг 100-моддасида қайд этилишича, суд қуйидаги ҳолларда иш юритишни тўхтатиб туришга ҳақли:

- суд томонидан экспертиза тайинланганда;
- ишда иштирок этувчи шахс бўлган юридик шахс қайта ташкил этилганда;
- аризачи бўлган фуқаро давлат мажбуриятини бажариш учун жалб қилинганда.

Маъмурий низо бўйича судга мурожаат қилган шахсларнинг(жисмоний ҳамда юридик) протессуал хукукларини таъминлашга ҳамда юзага келиши мумкин бўлган қонун бузилиши ҳолатларини имкон қадар олдини олишга қаратилган. Дейлик, ишда иштирок этувчи шахс бўлган фуқаро муомала лаёқатини йўқотганда, иш юритиш тўхтатиб турилиши шарт бўлиб, ушбу шахснинг вакили иш юритишга киришгунига қадар ҳеч қандай протессуал ҳаракатлар амалга оширилмаслиги ҳам шартдир. Бу эса маъмурий судда шахснинг хуқуқ ва манфаатларини самарали таъминлаш усулидандир.

Холоса.

Холоса қиласидан бўлсан, маъмурий-хуқуқий низоларни кўриб чиқиш ҳамда ҳал этишда маъмурий юститсиянинг муҳим турлари саналган маъмурий тартиб ҳамда суд тартиби муҳим аҳамият касб этади. Маъмурий юститсиянинг суд тартибининг бутун моҳиятини очиб беришда Ўзбекистон Республикасида Маъмурий судлар асосий майдонга чиқади. Маъмурий



ResearchGate



SEMANTIC SCHOLAR



IMPACT FACTOR (RESEARCH BIB) – 7,245



TOGETHER WE REACH THE GOAL

VOLUME 7, ISSUE 2, 2024

судлар 2017-йилда бошлаган ўз фаолиятлари давомида муайян қонун хужжатларига кўра бир қатор ўзгартириш ҳамда тузатишларга юз тутган бўлсада, ҳозирги кунга келиб анча такомиллашди дея оламиз. Шунингдек, маъмурий судлар соҳасида амалга оширилган ҳар бир ўзгариш ҳамда янгилик факат ва фақат жисмоний ва юридик шахсларнинг қонуний ҳукуқ ва манфаатларини муҳофаза қилишга, ҳимоя қилишга ҳамда бузилган буқуқларини таъминлашга қаратилган. Бу ўринда биринчи инстанция судлари сифатида Қўйи судларнинг ҳам ўрни бекиёсdir.

Фойдаланилган адабиётлар рўйхати:

1. Ўзбекистон Республикаси Конституцияси. Муқаддима. Қонунчилик маълумотлари миллий базаси, 01.05.2023-й., 03/23/837/0241-сон// <https://lex.uz/docs/-6445145>
2. Ш.Мирзиёев
3. Административе жустисе ас а фиелд оғ студий. Marc Hertogh (ed.), Richard Kirkham (ed.), Robert Thomas (ed.), Joe Tomlinson (ed.). Online ISBN:9780190903091, Print ISBN: 9780190903084. Oxford University Press. 2021.
4. Маъмурий ҳукуқ ва протесс. С.Муратаев, Б.Мусаев ва Д.Артиков.
5. Ҳожиев Э.Т. Administrative law. Textbook for professional colleGES, Science, 2010. P. 204
6. Нематов, Н. (2020). WOULD THE NEW ADMINISTRATIVE COURT SYSTEM BE MILESTONE TO CHANGE POST-SOVIET ADMINISTRATIVE LAW IN UZBEKISTAN?. Review of law sciences, (4), 16-20. doi: 10.24412/2181-1148-2020-4-16-20
7. Муаллифнинг қарашлари.
8. Ўзбекистон Республикаси Президентининг 2017-йил 21-февралдаги “Ўзбекистон Республикаси суд тизими тузилмасини тубдан такомиллаштириш ва фаолияти самарадорлигини ошириш чора-тадбирлари тўғрисида”ги ПФ-4966-сон фармони (Қонун хужжатлари маълумотлари миллий базаси, 29.09.2017 й., 06/17/5195/0033-сон).
9. Ўзбекистон Республикасининг 2018-йил 8-январдаги “Маъмурий тартиб-таомиллар тўғрисида”ги ЎРҚ-457-сон қонуни. (Кучга кириш санаси 10.01.2019. Қонун хужжатлари маълумотлари миллий базаси, 09.01.2018-й., 03/18/457/0525-сон).
10. Ўзбекистон Республикасининг 2018 йил 25 январдаги “Ўзбекистон Республикасининг Маъмурий суд ишларини юритиш тўғрисидаги кодексини тасдиқлаш ҳақида”ги ЎРҚ-462-сон қонуни (Кучга кириш санаси 01.04.2018. Қонун хужжатлари маълумотлари миллий базаси, 26.01.2018-й., 03/18/462/0626-сон).
11. <https://public.sud.uz/report>
12. Ўзбекистон Республикасининг “Давлат божи тўғрисида”ти Қонуни. Қонун хужжатлари маълумотлари миллий базаси, 07.01.2020-й., 03/20/600/0023-сон <https://lex.uz/docs/-4680944>